

Title: Nacimiento del Tuuru? 1972BR

Speaker: ?

Language: Guazacapán

Collector: ?

Date Recorded: 1972

Date Transcribed: ?

Date Typed: 07/19/2006

Typed By: ER

< text >

bweeno pwes k'ał huurak, naawuula nał hi? mu?ay'aala.

?i mušuk'a nał tenuwa.

?i pul'ey ?iwač'a ?ay'aala,

?i mač'ey ti? musinidor,

pero na huurak hin ?uk'ey sentir.

tuumu? pał nał hi? ?aku? boolah ?urul'a,

ᵀneła (1) ?entonse waak'a? ?ay'aala

?ukey segir, por ᵀtumuki? ?wač'a (2) ?akuh.

?i ?asta ke wašta?,

?asta ke łəkəy? k'ał nał hi? huurak pətana (nał hi?)

(ti?) hutu.

?entonse hina? kumu ?alteh łaaara? nał hi? hutu,

porke hin musam'u na hutu neła alara?,

hina? ?alteh kumu upətanah ki ?akuh.

?entonse ᵀ?asək (3) wašta? ?ay'aal,

?imey nah ke wa? ?uluy'ey nah ?ik'ał,

pwes ᵀšuy'a (4) ?ul'uy'ey nah ?ik'ał haama?.

?asək tum'uy šuk'a, YA SEGUNDA,

par'ey nah k'ał hawa,

?i mas ?era?,

koyney na šahah,

?i teero?.

?entonse ᵀ?asək (3) pir'iy ke teero? pa?al,

waak'a? tur'ey pyooča ?i ?asadon

neła kuy pahniy wakłak.

ᵀ?asək (3) pahniy wokłak,

wəɾəley,

ʔi ten'oy ša woklak.

ʔentonse A LOS QUINCE DIAS, ʔakuła ʔənt'əy k'al
nał hiʔ,

kaʔ məɕ'aw'ey,

ʔatij'ah nah aʔišap'a treese ču peer'e t'uur'iili,

ʔi kaada ke awašat'a nał hiʔ,

ʔakuh ʔənd'əyʔ

aʔišap'a nał kur'uh,

ʔi mut'en'o nał kikił ša woklak.

ʔasta ke hin bał lək'əy ša ɕ'aawaʔ,

nał ʔakuʔ par'eyʔ,

ʔasək (5) lək'əyʔ,

ʔhaaniʔ (6) lək'əyʔ,

ʔišap'a nał kur'uh.

</text>

<notes>

1. neła- <tk> para </tk>

2. tumukiʔ ʔwač'a- <tk> TODO na HILO </tk>

3. ʔasək- <tk> así que </tk>

4. šuy'a- <tk> primero </tk>

5. ʔasək- <tk> así cuando </tk>

6. haaniʔ- <tk> así </tk>

</notes>